



Broj: 05-2118-6/16
Sarajevo, 26. 05. 2016. godine

Na temelju člana 64. stava (1) tačke b) Zakona o javnim nabavkama („Službeni glasnik BiH“, broj: 39/14, u nastavku: Zakon), člana 70. stavaka (1), (3) i (6) Zakona, preporuke komisije iz Zapisnika o pregledu i ocjeni ponuda u postupku nabavke usluga broj 05-2118-5/16 od 24. 05. 2016. godine i člana 22. Statuta Agencije za bankarstvo Federacije BiH („Službene novine Federacije BiH“, broj: 42/04), direktor Agencije za bankarstvo Federacije BiH donosi

ODLUKU
**o izboru najpovoljnijeg ponuđača u postupku javne nabavke usluga putničke agencije –
posredovanje pri nabavci avio karata**

Član 1.

Prihvata se preporuka komisije za provođenje postupka nabavke usluga putničke agencije – posredovanje pri nabavci avio karata za potrebe Agencije za bankarstvo Federacije BiH (u nastavku: Agencija), putem postupka konkurentskog zahtjeva za dostavu ponuda i okvirni sporazum za period do 31. 12. 2016. godine, zaključuje se s ponuđačem RELAX TOURS d.o.o. Sarajevo.

Član 2.

Ukupna ponuđena cijena naknade za izdavanje avio karate iz člana 1. ove odluke, iznosi 10,00 KM, bez poreza na dodanu vrijednost (PDV), što u konačnici, s uračunatim PDV-om, iznosi 11,70 KM.

Član 3.

U skladu s članom 70. stav (6) Zakona, Agencija će objaviti ovu odluku na svojoj internetskoj stranici www.fba.ba, istovremeno s upućivanjem iste ponuđačima koji su učestvovali u ovom postupku.

Član 4.

Ova odluka stupa na snagu danom donošenja i dostavlja se svim ponuđačima koji su sudjelovali u postupku javne nabavke, saglasno članu 71. stav (2) Zakona.

OBRAZLOŽENJE

Agencija je pokrenula postupak javne nabavke usluga putničke agencije – posredovanje pri nabavci avio karata Odlukom o pokretanju postupka javne nabavke broj: 05-2118/16 od 13. 05. 2016. godine. Obavještenje o nabavci predmetnih usluga objavljeno je na Portalu javnih nabavki dana 17. 05. 2016. godine pod brojem 3010-7-2-78-3-17/16.

Javna nabavka je provedena putem konkurentskog zahtjeva za dostavu ponuda. Kao kriterij za dodjelu ugovora odabrana je najniža cijena tehnički zadovoljavajuće ponude. U skladu s Obavještenjem o nabavci i tenderskom dokumentacijom, javno otvaranje ponuda obavljeno je u poslovnim prostorijama Agencije u Sarajevu, Zmaja od Bosne 47b, što je evidentirano u Zapisniku o otvaranju ponuda, broj: 05-2118-4/16 od 24. 05. 2016. godine, u kojem je konstatovano da su ponude po ovom predmetu nabavke podnijeli ponuđači: CENTROTRANS-EUROLINES d.d. Sarajevo i RELAX TOURS d.o.o. Sarajevo.

U skladu s utvrđenom procedurom, saglasno članu 65. Zakona, komisija je izvršila pregled i ocjenu ponuda ponuđača CENTROTRANS-EUROLINES d.d. Sarajevo i RELAX TOURS d.o.o. Sarajevo, te na osnovu izvršene analize istih, ustanovila da ponude oba navedena ponuđača ispunjavaju zadane uslove iz tenderske dokumentacije. U vezi s navedenim, primjenjujući kriterij najniže cijene, a saglasno članu 69. stav (1) tačke a) Zakona, jednoglasno predložila da se okvirni sporazum u postupku javne nabavke usluga putničke agencije – posredovanje pri nabavci avio karata dodijeli ponuđaču RELAX TOURS d.o.o. Sarajevo, što je evidentirano u Zapisniku o pregledu i ocjeni ponuda, broj i datum iz uvodnog dijela ove odluke.

Uvažavajući navedeno, direktor Agencije prihvatio je prijedlog komisije te donio odluku kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba u roku od 5 (pet) dana od dana prijema ove odluke. Žalba se izjavljuje Ugovornom organu – Agenciji za bankarstvo Federacije BiH u pisanoj formi, direktno, elektronskim putem ili preporučenom poštanskom pošiljkom. Žalbu je potrebno podnijeti u dovoljnom broju primjeraka koji ne može biti manji od 3 (tri).



Dostaviti:

- svim učesnicima u postupku
- a.a.